


土岐文庫

文庫17

W98

2



15

20

25

文庫 17
W98
2

010185193840

昭和六十年二月一日
土岐善吉唐氏寄贈

明詩別裁集卷三

長洲 沈德潛稿士 同輯

周準欽萊

高

棟 棟字彥恢長樂人永樂初以

籍卒 林尚默云詩始漢魏至唐海

盛宋失之理趣元滯於學識而不出

悟以入自襄城揚士宏始編唐音然

知者尚鮮先生選唐詩品彙議者服

其精博 典籍詩以五言古為勝俞

汝成盛推歌行非駕論也至揚唐諸

作初無君 形者存



月詩別裁集卷三

九月八日郭南山亭宴集分得下

字

海國霜氣涼。秋聲落遙野。乾坤肅以清。收
納屬多暇。出郭尋幽期。同人命軒駕。載酒
入翠微。憑高憇層榭。蒼山橫黃雲。大江天
同濤。飛雨霞際晴。夕陽雁遠下。江山滿陳
迹。今古成代謝。高興殊未平。臨風獨悲吟。
飛雨十字寫
晚景八畫

賦得羅浮霜月懷二逸人

海國梅始白。飛霜動鳴鐘。寒空一片月。挂
在羅浮峰。夜色不映水。清光與之同。百里
皆瑤華。千林悶幽風。蕭條巖際葉。嘹唳雲
邊鴻。遠客起遙念。滄波思千重。夢迴明鏡
沒。寂歷聞幽蛩。

水竹居

清溪入雲木。隱處林塘深。微月到流水。冷

冷竹間。琴虛聲起。遙聽天影微遠。心余亦
驚鶴侶。將期此投簪。

題臺江別意。餞顧存信歸番禺。

置酒臺江上。悵然傷解攜。番禺天萬里。矯
首南雲低。停舟對鏡日將暮。日送南雲指
歸路。鄉夢多隨蜃母樓。家林近入扶桑樹。
滄浪浩蕩杳難期。此別重逢又幾時。東去
臺江應到海。唯因流水寄相思。

王

太恭字安中。閩縣人。永樂初以
儒士薦。授翰林典籍。尋授

歸牒

聞笛歌送人之塞上

橫笛對離亭。扁舟越江口。月下何人最斷
腸。天涯怨別驚楊柳。此夜愁心獨對君。明
朝悵別又離群。單于城上吹羌管。知爾相
思不忍聞。

春鴈

春風一枝到衡陽。楚水燕山萬里長。莫怪
春來便歸去。江南雖好是他鄉。

下 同 同字孟符吳人

倪雲林畫

雲開見山高。木落知風勁。鳥下不逢人。斜
陽澹秋影。

鄭 真 真字千之。鄞縣人。洪武壬子鄉試第一。官廣信教授。

寄烏繼善先生

紅心驕外望家山。颯颯西風兩鬢斑。繫雁
書成霜滿地。飯牛歌罷月臨關。誤傳海外
蘇公死。終許羌村林老還。各舍不知身健
否。何時訪我白雲間。

鄭 淵 淵字仲養。浦江人。

海棠仕女圖

東風蕩漾百花漣。翠袖迎風酒半酣。好鳥
隔窗催曉色。美人殘夢到江南。

練子寧 子寧字名安新治洪武乙丑榜眼累官工部侍郎建文時遷御史大夫請難兵入不屈死

二月望日與饒隱君遊五筍山

我懷謝康樂獨往遊名山身同雪舟繫心
與浮雲間清風澹蕩灑六合令我興在雲
松間玉山高與南斗齊雲錦照耀廬山低
三十六峰凌虹霓飛湍噴雪臨迴溪晨松
挂月青猿啼上有梅仙采藥之幽栖下有

蕭雲讀書之故基洞天石扇吞莫測瑤草
謾長三春萸我欲因之覽八荒手拂青蘿
眠石牀回颺吹散碧天霧清冥倒瀉澄湖
光作為玉山謠寄之雙峰客興來攜妓秋
復春笑殺東山謝安石。

方孝孺 孝孺字希直臨海人建文中文學博士請難兵至令草詔不屈族誅

閑居感懷

我非今世人。空懷今世憂。所憂諒無他。慨
想禹九州。商君以為秦。周公以為周。哀哉
萬年後。誰為斯民謀。

鳳隨天風下。暮息梧桐枝。群鷗得腐鼠。笑
汝長苦飢。舉頭望八荒。默與千秋期。一飽
亮易得。所存終不移。

池魚不知海。越鳥不知燕。蚯蚓霸一穴。神
龍行九天。小大萬相殊。豈惟物性然。君子
勿歎息。彼誠可哀憐。

上巳約友登南樓

生意忽滿眼。不知春淺深。良朋曠嘉會。濁
酒難孤斟。迢迢城上樓。高朗宜遠臨。曷不
一舉趾。縱望淵與岑。迢迢群動表。舒豁萬
古心。古人已寂寞。繼者應在今。蘊真有至
樂。外慕非所欽。願齊嶺眾妙。無為鬱沖襟。

懿文皇太子挽詞

盛德聞中夏。黎民望彼蒼。少留臨宇宙。未必愧成康。宗社千年恨。山陵後世悲。神遊思下土。經國意難忘。

程本立 本立字原道崇德人洪武中以明經薦建文初徵入翰林

陞余都御史清難兵至自經於應天府寧

題李典儀雲東卷

母老今猶健。兒行久不歸。一官淹白首。萬里夢斑衣。越郡東溟濶。秦關西日微。只將

雙淚眼。日日看雲飛。

晚至安寧

連然驛路馬曾踏。落日行人思不堪。地極九州銅柱北。山蟠六詔鐵橋南。湯池水底皆陰火。鹽井煙中半夕嵐。回首蓬萊天萬里。忍教塵鬢白毵毵。

袁敬所 敬所不知其名靖難後流寓常山之松嶺酒酣書五柳圖

詩擲筆悲吟繼以澺淚有江右布商見之曰此吾知某編修何為在此敬

所趨掩其口
不顧而去

題淵明五柳圖

藜杖芒屨白布裘。山中甲子自春秋。呼兒

檢點門前柳。莫遣飛花過石頭。

趙

工雅字雲翰祥符人洪武丁卯
舉人授兵部主事後歷官禮

兵刑三
部尚書

成南書事

三年為客寄龍沙。望斷南天不見家。惟有

受降城上月。照人清淚落胡笳。陳野于云
有嘉州之

風。畧同宋
文格句法

解

縉字大紳吉水人洪武戊辰
進士永樂中官翰林學士出

為廣西參政改交趾入奏事會太宗
北征見東宮辭去為高煦所訐徵下
獄死。永樂以還尚臺閣蘇諸大老
倡之衆人靡然和之相習成風而真
詩漸亡矣故解大紳以下
李賓之以前所收獨畧

送劉繡衣按交趾

虬髯白皙繡衣郎。驄馬南巡古越裳。城郭

新開秦郡縣山河原是漢金湯天連銅柱
蠻煙黑地接珠崖海氣黃莫說炎荒冰雪
少須令六月見飛霜。

楊士奇

士奇名寓以字行泰和人建文時以辟召入翰林永樂初

改編修入直文淵閣累官少師贈太師謚文貞

漢江夜泛

泛舟入玄夜奄忽越江干員景顏西林列
宿燦以繁凝霜飛水裔回颿蕩微瀾孤鴻

從北來哀鳴出雲間時遷物屢變游子殊
未還短褐不掩脛歲暮多苦寒悠悠念行
邁慊慊懷所懽豈不固時命苦辛誠獨難
感彼式微詩喟然興長歎

同蔡尚遠尤文度朱仲禮楊仲舉

蔡用嚴遊栗山

步出城東門逍遙望雲巘累月懷佳踪茲
晨遂登踐梵宇繞層阿飛樓凌絕峴方塘

Handwritten notes in green ink at the top of the left page, including the characters '元' and '年'.

函湛碧喬林茂敷衍繁翳幽莫通丰茸紛
不剪攀磴窮高躋緣徑屢回轉是時微雨
收輕霞澹舒卷睇遙素橫川俯夷綠盈眈
陟降體自便顧睇心已緬况接曠士言復
偕釋子辯析空理弗昧遠嗟抱逾展何因
此閒樓永令浮慮遣脛胎晋市
端厚不饒

偶

谷

宏宏福州人洪武
中官中書舍人

行經華陰

崔嵬太華出雲中積翠遙連渭水寒秋色
萬家連遠塞暮煙一帶遶離宮秦關日落
行人少漢時天陰古殿空寂寞武皇巡幸

處祠郊木葉起秋風

宋韓文云調既
不自景色亦合

趙

文

文字宗文長洲人永樂
中薦舉官鄱陽知縣

過金山寺

水天樓閣影重重化國何年此寄蹤
淮海西來三百里大江中湧一孤峰
濤聲夜恐

巢枝鳥雲氣朝隨出洞龍幾欲登臨帆去疾蒼蒼江遙聽隔煙鐘。

趙友同

友同字彥如金華人緡長洲官太醫院出醫

宋徽宗書半開梅

明皇朝罷酒初醒寫出梅花蕊半含惆悵
沐宮春矢後一枝流落到江南。

曾

蔡

蔡字子一永豐人永樂甲申賜進士一登官詹事府少詹事贈禮部侍郎

詹事府禮部侍郎蔡謚襄敏。子啟五言如斷雲京

唐風

車駕渡江

朱旗畫戟擁晴沙錦纜牙樯向水涯佳氣
迴浮江北樹日光初照海東霞雲中鸞鳳
扶丹轂水底魚龍識翠華不用臨流羨天
塹只今四海盡為家

送陳郎中重便西域

雕輪歷碌擁鳴騶幾欲停鞭記舊游赤嶺

晚雲連雪積。黃河春水帶冰流。旌麾每過
羅諸部。金帛頻頒拜眾酋。却笑虎頭班定
遠身親百戰。覓封侯。

維揚懷古

廣陵城裏昔繁華。煬帝行宮接紫霞。玉樹
歌殘猶有曲。錦帆歸去已無家。樓臺處處
迷芳草。風雨年年怨落花。最是多情小堤
柳。春來依舊帶西鴉。

李昌祺

名禎以字行廬陵人永樂甲申進士官至廣西布政使

過吳門

七澤三江通甫里。楊柳芙蓉照湖水。閶門
過去是盤門。拌掩珠簾畫樓裏。蘼蕪生遍
鴛鴦沙。東風落盡棠梨花。館娃香徑走麋
鹿。清夜鬼燈明絳紗。三高祠下東流續。真
孃墓上風吹竹。西施去後屨廊傾。歲歲春
深燒痕綠。

送周秀才遊長沙

迢遞長沙道，迢迢歲宴遊。
亂山黃葉寺，孤棹白蘋洲。
夕鳥衝船過，寒波背郭流。
母論卑濕地，賈傳昔淹留。

尹鳳岐

鳳岐字邦祥，吉水人，永樂丙戌進士官翰林侍講。

送兄廣東參政應奎

价人藩閩寄旬宣，五嶺南行遠著鞭。
曉日紅亭留別酒，秋風黃葉下漚船。
青蓮橄欖

千家雨黃觸枕柳，萬井煙珍重平生清節在。
不妨引滿酌貪泉。

金

誠

誠字成之，番禺人，永樂戊戌進士官刑部主事。

江行

江水悠悠江路長，孤鴻啼月有微霜。
十年踪跡渾無定，莫更逢人問故鄉。

黃

閏

閏字期餘，信豐人，永樂戊戌進士。

擬唐人長安春望

南山晴望鬱嵯峨。上苑春遊玉輦過。天抱
帝城雙闕迴。日臨仙仗五雲多。鸞聲盡入
新豐樹。柳色遙分太液波。漢主離宮三十
六。樓臺處處起笙歌。

沈貞 貞字元吉長興人
卜居橫玉山下

樂神曲七首 有序

樂神曲者擬楚辭九歌而作也吳人
尚鬼祀必以巫覡迎送舞歌登獻其

辭褻曼禳災徵福不知其必滋黷甚
矣故為此辭以明鬼神之理禱祀之
意祛其荒淫之志焉。

保我之民兮邑此方崇其壝兮浚其隄民
不驚兮志定春靈修兮作民命隄楊兮結
陰青青兮蔽林女牆堅兮有郭有郭繞洄
瀉兮濠歸於壑靈之來兮玄都颺旂旌兮
若茶陳一豕兮兩輪載斟之兮百壺城兮

隍兮吾永無虞

右城隍

嗟靈伯兮御清冷洗祥敲兮滌炎蒸駘蕩
兮春初颶颶兮夏徂颶颶下兮木葉枯號
空桑兮吹雪載塗靈之來兮憑女巫巫巫
兮屢舞箏簫兮伐鼓靈醉飽兮無怒蕭蕭
來兮颯颯去

右風伯

佩芳蘭兮擘芬椒潔新服兮綴珠珎駕靈
螭兮翔重霄要靈輅兮下迢迢我禾兮成
後我田兮龜坼烈日兮驕陽利行水兮熱
湯靈之來兮天外下上乾兮雷一溉維靈
布澤兮惠我無私嗟我民兮其敢繹思靈
皇皇兮萃只舞僛僛兮醉只福穰穰兮歲
復歲只

右雨師

月維仲兮日維剛。肅齋宮兮神所藏。靈揮
輝兮垂佩儼飛馭兮高蓋降靈雨兮來斯
左有翁兮右有妃。悵嘉期兮難又羌永歎
兮陳辭。靈修修兮不語。逝翩翩兮歸去。

右社公

波震蕩兮具區。既底定兮奠神之居。芙蓉
蓋兮菱車。導翠輦兮文魚。神之來兮孰俱
後子皮兮前靈胥。與神遊兮湖之澣。衝風
息兮極浦。有倡兮妙舞。有冽兮清醑。神保
聿歸兮或返。而顧灌我田兮受神之祐。

右太湖神

雄何爲兮屬於鄉。祀有時兮享有嘗。藉白
馬兮青蓋。明而沒兮晦而在。屏方相兮去
讎神。巫進兮舞且歌。雄欣欣兮遠逝。不水
旱兮不疵。厲樂吾民兮世世。

右鄉厲

兩旗兮分張舞輕風兮悠揚神之司兮我
疆原田每每兮立我青秧不稂不莠兮無
好無妨時雨兮時暘俾百穀兮登塲維神
兮降康報之兮肴蒸膾羊七章未能獨造
然終是雅言

右青苗神

薛瑄

瑄字憲溫河津人永樂辛丑進士歷官禮部左侍郎兼文淵閣大學士諡文清從祀孔廟

梅花落

檐外雙梅樹庭前昨夜風不知何處笛聲
起一聲中

于謙

謙字廷益錢塘人永樂辛丑進士官至大理寺少卿景陵即位拜兵部尚書加少保英宗復辟棄市成化中贈太傅謚肅愍後改忠肅

暑月將自太行巡汴

三晉衝寒到中州暑回山川原不改節
候自相催綠樹連天暗丹葵向日開太行

雲縹緲搔首意徘徊。

上太行

西風落日草斑斑雲薄秋容鳥獨還兩鬢
霜華千里客馬蹄又上太行山。

劉球字求樂更字廷振安福人永樂辛丑進士官翰林待講

以忤王振矯旨下獄死景泰初贈翰林學士謚忠愍

山居

水抱孤村遠山通一徑斜不知深樹裏還

住幾人家

施敬敬字益莊錢塘人謫居漢

巴陽夜泊

獨棹三巴夜秋高片月孤灘聲將客夢萬
里下東吳。

南行途中寄錢唐親友

萬里移家入瘴煙故鄉音耗若為傳衡陽
自古無來雁况去衡陽又八年

黃

裴

裴字仲裴
文江人

客夜

西風蕭蕭木葉稀。秋深作客何時歸。城頭
月出照擊柝。江上露白催搗衣。雁鴻附書
遠。莫致烏鵲遶樹還。驚飛三更不眠欲起
舞。躍馬臥龍誰是非。

劉

績

績字孟熙山陰人隱居
不仕人稱西江先生

題西陵送別園送姚進士

悠悠復悠悠。風吹江上舟。今朝天色好。送
客西陵頭。西陵在何許。羃歷春郊樹。搔首
望行人。迢迢上京路。京路一千程。官梅照
眼明。春風濃似酒。難浣別離情。別離餘幾
日。佇得君消息。折取杏園花。慰我長相憶。
相憶夢相仍。高樓只自登。春潮知我意。日
夜向西陵。

早春寄白虛室

帝滅佳氣接煙霞。草色芊芊紫陌斜。殘雪未消雙鳳闕。春風先入五侯家。歌鐘暗度新豐樹。游騎晴騎上苑花。獨有子雲才思逸。應傳麗句滿京華。

征夫詞

征夫語。征婦死。生不可知。欲慰泉下魂。但視襟中兒。

征婦詞

征婦語。征夫有身當殉國。君為塞下土。妾作山頭石。

錢

曄字允輝常熟人浙江都司經歷

過江

江渚風高酒乍醒。川途渺渺正揚舲。浪花作雨汀煙濕。沙鳥迎人水氣腥。三國舊愁春草碧。六朝遺恨晚山青。不須倚棹吹長笛。恐有蛟龍欲出聽。

贈周岐鳳 李賓之云江陰周岐鳳坐事亡命扁舟夜泊

投以詩岐鳳得之大

琴劍飄零西復東。舊游清興幾時同。一身

作客如張儉。四海何人是孔融。野寺鶯花

春對酒。河橋風雨夜推篷。機心已共沙鷗

靜。惟有家山在夢中。

蕭 銜字孟勤秦和人宣德丁未進士累官太子少師戶部尚

書

送李佑之赴陝西叅議

十載含香侍上台。旬宣分陝用奇才。黃河

九曲天邊落華岳。三峰馬上来長樂。月明

鐘響靜。樊川春漲水波洄。當年召伯留遺

澤。會看甘棠到處開。

王清 清字一寧合肥人。世襲濟寧衛指揮。陞廣東都指揮。死寇

難

塞上感懷

西風關外雪初晴。懷古思鄉百感生。玉帳
枕戈人萬里。鐵衣傳箭夜三更。夢回絕域
烏桓地。戰罷空山敕勒營。烽火微茫天去
遠。月中鴻雁送秋聲。

郭

登

登字元登武定侯諸孫景泰
初官都督僉事守大同以功
封定襄伯英廟復辟詔成甘肅成化
初復爵贈侯論忠武。定襄山王
樹詠集諸篇盛推眾口然才力
恣肆或非正聲茲擇其大雅者

題將廷暉小景

我家南山下。柴門別經久。不知今春來。新
添幾株柳。清江閑釣竹。鷗鷺還來否。對此
忽相思。長歌獨搔首。

送岳季方還京

登高樓望明月。明月秋來幾圓缺。多情只
照綺羅筵。莫照天涯遠。行客天涯行客離
鄉久。見月思鄉搔白首。年年長自送行人。
折盡邊城路。傍柳東望秦川一雁飛。可憐

同住不同歸身留塞北空彈缺夢繞江南
 未拂衣君歸復喜登臺閣風裁稜稜尚如
 昨但今四海歌昇平我在甘州貧亦樂甘
 州城西黑水流甘州城北黃雲愁玉關人
 老貂裘微苦恨平生馬少游皇明詩選裁
末四語作斷
可明詩綜因之然通融纏綿
有情不迂不促故仍用原奈

甘州即事

黑河如帶向西來河上邊城自漢開山近

四時常見雪地寒終歲不聞雷牦牛互市
 番氓出宛馬臨關漢使回東望玉京將萬
 里雲霄何處是蓬萊

保定塗中偶成

白壁何從摘舊瑕纔開羅網向天涯寒窻
 兒女燈前淚客路風霜夢裡家豈有醜人
 羊叔子可憐憂國費長沙獨醒空和騷人
 詠滿耳斜陽噪晚鴉

張

和字節之崑山人正統己未進士官至浙江提學副使

與朱千戶夜話

客裏相逢感慨深。歌時復動悲吟。清尊
坐對三更月。紫塞瑤池萬里心。瀚海地荒
龍馭遠。交河風急雁書沉。微生愧乏安邊
策。北望長天淚滿襟。

陳憲章

憲章字公甫新會人正統丁卯舉人用薦授翰林檢討謚

文恭從祀孔廟

冬夜

長夜氣已凜。木綿被重裘。端坐思古人。寒
燈耿悠悠。是時病已間。背汗仍未收。學業
坐妨奪。田蕪廢耨耨。高堂有老親。遍身無
完綢。丈夫庇四海。而以俯仰憂。口腹非所
營。菽水吾當求。明旦理黃犢。進我南岡舟。

范

澄字國清寶應人景泰庚午舉人

送別

酒盡津鼓喧風生蒲帆亂山迴不見君夕陽在沙岸

沈

愚字通理崑山人

陳宮懷古

景陽宮井積浮埃三閣遺基半綠苔惆悵後庭花落盡黑頭江令獨歸來

陸德蘊

德蘊字澗玉華亭人

重過沙河道中

白鶴沙頭水自波扁舟曾載夕陽過東風一路蘼蕪綠添得春愁別後多

陳

寬

寬字孟賢吳人檢討繼之子

題燕穆之楚江秋曉圖

五更人語覺潮生估客帆檣候曉行樹色未分雲夢澤雞聲已動漢陽城天空畫角吹霜盡月落銀河入斗橫欲問楚南千古事至今江水為誰清

王 越 越字世昌瘠縣人景泰辛未

巡撫大同進兵部尚書論出塞功封

威寧伯尋加少保贈太傅謚襄敏

威寧詩性情流露不須雕飾如髮為

胡笳吹作雪心因烽火煉成丹極悲

歌感慨之致然云雅音則未也至劉

原博云孤臣自恨無容地逆虜猶存

不共天但取其忠義可矣

與李布政彥碩馮僉憲景陽對飲

相逢無奈還傷別尊酒休辭飲幾巡自笑

年來常送客不知身是未歸人馬嘶落日

可攬結欲跨長鯨捉明月望斷蓬萊青鳥

書琪花落盡無人拆飛身上挹香爐煙坐

卧九疊屏風前翻然拜手招五老一笑彷彿

三千。年松風泠泠吹蕩覺鶴背高寒露

華落早知此境隔塵凡只合栖神向邱壑

何人寫此江上山雲山與我心俱閑明當

會碾廳輪去長謝時人竟不還

顧文昱 字光遠嘉定人明初官吳王副相

白鴈

萬里西風吹羽儀，獨傳霜翰向南飛。
蘆花映月迷清影，江水含秋點素輝。
錦瑟夜調冰作柱，玉關晨度雪霑衣。
天涯兄弟離羣久，皓首江湖猶未歸。
風格高於海叟白燕詩一結尤見作手
王安中詠白鴈夜月蘆花看不定夕陽振葉見初飛極下即不離之妙惜通體不稱

明詩別裁集卷二終

一夜坐

雨歇宵影澄，天清月華素。
空山秋欲來，涼意先在戶。
蕭蕭林樾風，泣泣幽篁露。
草蟲亦何知，含淒感遲暮。
深思無與言，美人隔

雲路。空山十字前人寫秋俱未到此

胡奎 字虛白海寧人寧府教授

秋夕

月出萬井秋，商聲在高樹。
風條絡緯鳴，露

葉流螢度。天河一杯水。流向西南去。坐念素心人。佳期渺何處。

夢遊廬山

我有紫霞相。夢遊匡廬峰。仙人凌絕頂。手弄金芙蓉。芙蓉亭亭九天上。疊嶂崩騰涌。波浪五色雲中白。鹿鳴三更海底金。雞唱懸崖瀑布從天來。足練倒界青天開。高人自是陸修靜。邀我石磴行莓苔。九江秀色

青古暮雁度。西風白草新。離恨十分留一

半。三分黃葉二分塵。裁上半首為截句更佳

蘓平平字秉衡海寧人舉賢良方正不執。秉衡詠繡襦詩南

陌踏青春有跡西廂立月夜無聲一時以此得名然此種有累詩品不小

相南懷古

江山搖落獨登臨。草色湖南人望深。萬古空留湘女恨。九歌誰識屈原心。霜清楚曉蘭香歇。雲暗巴陵雁影沉。正是客懷消不

得竹枝聲裏斷猿吟。

王

佐

佐字廷用天順己卯舉人福州衛籍官訓導

宮怨

芙蓉帳冷減容光愁倚熏籠嬾著粧寒氣

逼人眠不得鐘聲催月下斜廊似少言外

逼真列朝詩選心夢蕉詩話謂宮女媚蘭仙子詩恐近於傳會也詩見王天順庚辰

秦

夔

夔字廷韶無錫人天順庚辰進士歷官江西右布政

同金廣信宗器遊番湖

番湖水落秋容冷碧色澄鮮三萬頃樓船

嗷嘈何處來十幅蒲帆弄秋影霜晴九月

葭菼枯芙蓉著花秋滿湖吳興已遠郭熙

老誰為寫此秋江圖汀州遠近迷雲樹東

去滄波急如生康山一髮天際橫傳是先

皇洗定處當年血戰湖水黃清月照耀旌

旗光鼎湖龍去不復返只有雁鷺飛茫茫

天開大澤雄今古氣撼東吳及南楚巴陵

洞庭何處遠日斷潯陽送樓櫓北風獵獵
握雙旌此行奇絕如登瀛風波平也不須
起向來魂夢今猶驚浩歌逢瓜還搔首却
憶同行信州宋萍水飄零盡白頭相逢且
醉餘于酒。

李東陽

東陽字賓之茶陵人天順甲申進士歷官少師兼吏部尚書贈太師謚文正口永樂以後詩茶陵起而振之如老鶴一鳴喧秋與廢後李何繼起郭而大之嘖嘖乎稱一代之盛矣王元美謂長沙之子何李

猶陳涉之啓漢高此習氣未除不免叩揚太過宜以後人之指擊也

夜過邵伯湖

蒼蒼霧連空冉冉月墮水飄颻雙鬢風恍
惚無定止輕帆不用機驚浪長在耳江湖
日浩蕩行役方未已羈棲正愁絕况乃中
夜起

風雨歎

壬辰七月壬子日大風東來吹海溢嶧嶸

巨浪高比山。水底長鯨作人立。愁雲壓地
濕不翻。六合慘淡迷乾坤。陰陽九道錯黑
白。烏虵赤。敢東西奔。里人食皇神。屢變三
十年前未曾見。東村西舍喧呼遍。牒書走
報州與縣。山厓谷洶豺虎噪。萬木盡拔乘
波濤。州沈島沒無所逃。頃刻性命輕鴻毛。
我方停舟在江臯。披衣踞牀夜復晝。忍掩
青袍涕霑袖。舉頭觀天恐天漏。此時憂國

况思家不覺紅顏坐。凋瘦潼關以西。兵氣
多蘆笳。吹塵塵滿河安得。一洗空干戈。不
然獨破杜陵屋。猶能不感嘯與歌。世間萬
事不得意。天寒歲暮空蹉跎。嗚呼奈爾蒼
生何。

夜過仲家淺間

日維乙未月丙戌。青天無雲月東出。舟人
喧。逐夜濤發翻沙轉石紛。出沒是時水淺

舟在地。牖門崔嵬。畫方閉牖。官醉睡。夫在
藏倉卒。招呼百無計。民船棄死。爭赴楫
倒檣。催動交。醉舟人。號咷。性命。十里。呼
聲震天地。我時兀坐。驚春撞。攬衣而起。心
徬徨。同行無人。僕隸。散獨與船底。相低昂。
攀崖陟磴。不得上。咫尺如在天。一方流行
坎止。信有數。向來茂視。淮與江。霜風欺人
衣袂。蕩呼童酌酒。累數觴。燈殘酒醒。牖亦
過。北斗墜地。天茫茫。

靈壽杖歌

吾聞武當之山。四萬二千丈。半在雲根半
天上。不知三十六宮何處。稱絕竒。產出靈
株。非一狀。蛟螭盤拏。露頭角。熊經樹。顛虎
山脚。蜈蚣錯節。相糾纏。含風飽雪。經炎寒
九年。洪水之水。浸不殺。十日之日。暴烈何
時。乾梯懸磴。接跬步。不可上。誰采青壁紅
月。寺川茂集。

銀珩見之美者不容口。錫以嘉名曰靈壽。凡之不入行有聲金可同堅石同久。吾家此物舊所有神與相扶鬼為守。自從病足跛曳不得前已覺山林落吾手。一病經旬不出門手中此杖嗟猶存下牀歛足立不定此時託子以為命不顧四體無微疴。但願謝病歸山阿左扶右策夾以二童子。下可迷園徑上可凌陂陀願栽萬本截萬杖。

窮崖陰谷生森羅靈兮壽兮此物倘可致

直遺四海赤子頭俱從橫跌宕能盤硬

同緣其常用杜句法也而茶陵此詩亦極規撫少陵牧齋偏盛之渠胸中豈有真是非奇耶

題畫鷹送羅緝熙

大鷹獠獠爪抉石側目空巖晚秋碧小鷹
濕首俯且窺威而不揚豈其雌雌雄起伏
各異態意氣相看出塵壘獨立羞將眾羽

群高飛怕有浮雲礙山寒木落天始風日
色慘澹川原空人間狐兔自有地曠勿反
擊傷鵝鴻書圖彷彿是誰作宛似懸竊臂
間落高堂匹練陰風生萬里炎荒盡幽朔
我生竒氣空峻峭揮毫對此不無神送梁
羽翼朝天去亦是雲霄得意人

立春日車駕詣南郊

暖香和露統蓬萊彩仗迎春曉殿開北斗

舊柯依歲轉南郊佳氣隔城來雲行復道
龍隨輦霧散仙壇日滿臺不似漢家還五
時甘泉誰羨校書才

南園秋風

別院臨城疊路開犬風昨夜起宮槐秋隨
萬馬嘶空至曉送千禧拂地來落雁遠蘆
雲外浦飛鷹欲下水邊臺宸遊睿藻年年
事况有長楊侍從才

與顧天錫夜話時天錫謫永州府

同知

路轉三湘去更深。潞河西岸瀨東潏。鱗
自足波濤地。別馬長懷秣飼心。湘女廟前
山似黛。柳公亭下石如林。徵科亦是公家
事。民力天南恐未禁。

與趙夢鱗諸人遊甘露寺

礪篠巖松處處通。野寒吹雨墮空濛。垂藤
路繞千年石。老鶴巢傾半夜風。淮浦樹來
江口斷。金陵潮落海門空。關書未報三邊
捷。萬里中原一望中。

九日渡江

秋風江口聽鳴榔。遠客歸心正渺茫。萬古
乾坤此江水。百年風日幾重陽。煙中樹色
浮瓜步。城上山形繞建康。直遇真州更東
下。夜深燈火宿維揚。

遊岳麓寺

危峰高瞰楚江干。路在羊腸第幾盤。萬樹松杉雙徑合。四山風雨一僧寒。平沙淺草連天遠。落日孤城隔水看。薊北湘南俱入眼。鷓鴣聲裏獨凭欄。

明詩別裁集卷四

沈德潛確士

長洲

周準欽菜同輯

莊

泉字孔暘江浦人成化丙戌進士官翰林授檢討以諫謫

官後遷南京吏部郎中
中天啓初追謚文節

端午食賜粽有感

蓬萊官中懸艾虎舟滿龍池競簫鼓千官
曉綴紫宸班拜向彤墀賀重午大官角黍

旅蒲香。綵繩萬縷雲霞光。天恩救賜下丹
陛。瓊筵侑以黃金觴。東南米價高如玉。江
淮餓殍干家哭。官河成卒十萬艘。總向天
厨挽。飛粟君門大嚼心。豈安誰能持此回。
彫殘小臣自愧。悠悠者無術救時。真素餐。
杜老心事理學人
何必專作頭巾語

憶舍弟

天邊開一雁。杳杳向南徂。今夜西風冷。他

鄉小弟孤。五人千里去。九月一書無。欲寄

千行淚。憑誰達客途。一氣揮灑絕
去對偶之迹

戴縉 縉南海人成化丙戌
進士累官工部尚書

楚江旅懷

薄暮過瀟湘。秋空楚水長。黃蘆千里月。紅
葉萬山霜。客夢懸雙闕。鄉心逐五羊。羈情
誰與晤。勞者若為傷。

周瑛瑛字梁石莆田人成化己
丑進士官至四川右布政

履霜操

父兮兒情，母兮兒怒。跼天躋地，懼不知其故。父在高堂，兒在郊圻。晨興履霜，蹶血淋漓。荷衣不暖，樽食不飽。不即捐溝壑，念我父母。父本兒愛，母本兒憐。一朝放逐，實兒之愆。維鳥有鰥，維蟲有羸。父兮母兮，其或歸我。昌黎作另於怨矣此方是怨而不怒與昌黎拘幽操一忠一孝並有千古

吳寬寬字原博長洲人成化壬辰明進士第一授翰林修撰累

官禮部尚書贈太子太保謚文定

賦黃樓送李貞伯

維河有原，星宿同導。河積石思神功，濁流汗漫失故道。積石却與澶淵通，平郊脫轡萬馬逸。一夜徑渡徐州洪，徐州太守蘓長公。夜呼卒伍登城墻，一身未足捍大患。豈無木柵兼竹籠，戲馬臺傍二十里。築堤橫亘長如虹，高城不浸三版瓦。挽回魚鱉仍

耆童防河錄成天有工。黃樓高起城之東。
 五行有土可制水。底用四壁涂青紅。太守
 登樓賓客從。舉杯酌水臨長風。河伯俯首
 受約束。不敢更與城爭雄。水流滔滔向東
 去。紂徐演漾殊從容。負薪投壁竟何用。漳
 家浪築宣房宮。曰公去後五百載。水流無
 盡思無窮。我生慕公公。不逢安得置我茲
 樓中。穎濱淮海獨何幸。留得兩賦摩蒼宮。

鳳池舍人今李。邕南行別我何怱怱。此邦
 萬靈日凋瘵。賴爾繼續前賢踪。暇日登高
 倘能賦封題。須附冥飛鴻。

楊一清

一清字應寧雲南安寧州人
成化壬辰進士歷官戶部尚

書進少師贈
太保謚文襄

甘涼道中書事感懷

弧矢威天下。雷霆震域中。大兵方出塞。小
 醜自相攻。繼絕君王義。宣威將帥功。從今

宵旰慮不復在西戎不復在西戎言所憂者正多也大臣心事

昭然如揭

山丹題壁

關山逼仄人踪少。風雨蒼茫野色昏。萬里一身難獨任。百年多事共誰論。東風四月初生草。落日孤城早閉門。託取漢兵追寇地。沙場猶有未招魂。

將至亭夏

奉詔西征駐節時。元戎奏凱已先期。苗民自逸三旬命。獫狁何勞六月師。燈火家家開夜戶。弓刀處處捲風旗。益兵加賦休重論。財賦於今兩不支。

文林林字宗儒長洲人成化壬辰進士官至温州知府

舟中有懷林待用

渺渺長波映遠空。依依新柳颺春風。相思人在青山外。盡日舟行細雨中。汲黯身為

漢建重杜陵詩到錦城工。天王明聖江湖
遠贏得馳驅兩鬢蓬。

主

鏊

鏊字濟之吳縣人成化口未
賜進士第三累官吏部侍郎

是少博贈太
傅諡文恪

贈梁都憲巡撫四川

赤甲白鹽雄作鎮鐵冠繡衣凜先聲雪山
已為來時重黑水應聞去後清殿上位虛
中執法邊頭人散小團營憑誰說與蘓明

允畫像無煩記姓名。

人散小團營謂亂平
不作猶張方平之鎮

也蜀

馬中錫

中錫字天祿故城人成小
末進士官至左都御史

晚渡咸陽

野色蒼茫接渭川白鷗飛盡水連天僧歸
紅葉林間寺人喚斜陽渡口船表裏山河
猶往日變遷朝市已多年漁翁看破興亡
事獨坐秋風釣石邊

元世祖廟

世祖祠堂帶夕曛。碧苔年久暗碑文。剡門
此日瞻遺像。起輦何人識故墳。棹楔半存
蒙古字。陰廊尚繪伯顏軍。可憐老樹無花
發。白晝鷓鴣鳴到夜分。起輦谷名。元諸陵在
焉。曹溱躬云用事

典實鑄詞情
惋可稱絕唱

邵寶 寶字國賢無錫人成化甲辰
進士歷官至南京禮部尚書

謚文

孫嗣專

夫死矣。妾何敢生。夫雉為重身。為輕賊尚
生。妾何敢死。軍中幸有報恩子。號召如風
赴。如水。斷賊頭。祭夫墓。白日下高天。何處
黃泉路。

乞終養未許

乞歸未許。奈親何。帝里風光夢裏過。三月
春寒。青草短。五湖天遠。白雲多。客囊衣在

縫猶密驛騎書來字欲磨聖王恩深臣分
淺百年心事兩蹉跎

喬

字

字字希大山西樂平人成化甲辰進士累官吏部尚書如

少保謚
莊簡

秋風亭下泛舟

荒亭寥落野煙空漢武雄才想象中簫鼓
塵聲開畫鷁帆檣飛影動晴虹山分秦晉
群峰斷水入河漢雨派通少壯幾時還老

大不須回首歎秋風

王雲鳳

雲鳳字應韶益州和順人成化甲辰進士官至石金都御

史

送客

雲氣溟濛雨欲絲飄飄遊子別離時愁看
陌上青青草送盡行人總不知

文

森

森字宗茂長洲人成化丁未進士歷官石金都御史江西

無

九日

三載重陽菊開時不在家何期今日酒忽
對故園花野曠雲連樹天寒雁聚沙登臨
無限意何處望京華沈子山云語不必深
自然蘊藉。此詩亦
見何大復集

沈

周

周字啓南長洲人景泰中邵
守以賢良應詔辭不赴。句
如山雨乍來茆溜濕溪雲欲墜竹梢
低倘遇郭無應采入林泉高致中以
當畫

從軍行

馬上黃沙拂面行漢家何日不勞兵匈奴
久自忘錫勇僕射今誰托父兄雲暗旌旗
婆勒渡月明刁斗受降城左賢早待長繩
縛莫遣論功白髮生志世人有此悲壯之
作諸選本往往遺之

寫懷寄僧

虛壁疎燈一穗紅閑堦隨處亂鳴蟲明河
有影微雲外清露無聲萬木中澤國蒼茫

秋水滿居民流落野煙空不知誰解拋憂
患獨對青山憶楚公

史鑑德字明古吳江布衣

子昂蘭

國香零落佩纒空芳草青青合故宮誰道
有人和淚寫託根無地怨東風

戴一冠冠字章南長洲人以貢授一
與府訓導後又有兩戴冠一
字神鵬信陽人一
字爾枝山陰人

題姚少師畫竹

北地風高卷塞雲驚沙吹起雁成群客邊
偶寫龍孫譜忘却江南有此君王湛求云
風人善譜
遺之

莫止止字如山無錫人句如天
閣一聲何處雁江平于里獨

歸舟風致
翛然自遠

昭君曲

但使邊城靜蛾眉敢愛身千年青冢在猶

是漢宮春

李夢陽夢陽字天賜更字獻吉慶陽人

洪武洪溝宏治癸丑進士官戶部員外彈壽寧侯繫獄旋釋之進郎中代尚書韓文草奏劾劉瑾坐奸黨致仕起江西提學副使寧處人既誅獄詞連及尚書林俊力持之得免卒後弟子私謚文毅天啟中追謚景文○空同五言古宗法陳思康桑然過於雕刻未極自然七言古雄渾悲壯縱橫變化七言近體開合動盪不拘故方準之杜陵我於具體故當雄視一代遊馬寡傳而錢受之詆其模擬對賊等子嬰兒之學語至謂讀書種

○遂少陵實有面目太肖處集中掃而空之不欲使格擊前賢者得以藉

內教塲歌

內教塲者李子紀時事而作也帝自將練兵於內庭

雕弓豹韃騎白馬大明門前馬不下徑入內伐鼓大同耶宣府耶將軍者許耶解武臣不習威奈彼四夷西內樹旗皇介夜馳

鳴砲烈火嗟嗟辛苦二解

湘妃怨

采蘭湖北。沅塞木濃南。潯淥水含瑤彩。微
屈札玉音雲起蒼梧夕。日落洞庭陰。不知
篔竹苦。惟見淚斑深。

雜詩

裨裨蝕以傾梁棟。誠獨難。流言播四國。周
公有疑。源颶激頽景。奄忽不可攀。衆羽

日續紛。采鳥戢其翰。殺身苟無益。去去從
所安。傷哉式微詩。千載起予歎。

茅以韜為席。栢以勁為薪。君子憂治世。愚
者幸不辰。張置以待免。雉也蓄其身。物理
雖云殊。懼脫各有因。浮沙卷奔藿。朔吹揚
驚塵。日暮臨大道。悵望曷能陳。

登山望四海。日夕忽至沉。俯身眺城郭。痗
然沾我襟。交路夾芳蘭。逝駟何駸駸。朱樹

藹閉榭奇巧媚荒淫。北里進異舞。高堂呈妙音。織羅振芬芳。朝雲遞嘉吟。不見秋。日草零落愁春心。

衛上別王子

晨風應候至。雞鳴各嚴車。我今遊宋中。子當旋舊閭。僕夫理前綬。羸馬悲鳴趨。一別阻秦周。相望萬里餘。首春霜露重。厚汝征衣襦。昔為同袍士。今在天一隅。故者日以

遠疇能察區區。

土兵行

贛州賊作亂都御史陳金奏調廣西狼兵征之土兵

行所由作也

豫章城樓飢啄烏。黃狐跳踉追赤狐。北風北來江怒湧。土兵攫人人。叫呼城外之人。徙城內塵埃不見章。江塗盡化裙。蠻奴逐婦女。白奪釵釧換酒沽。父老向前語。一語奴憤。勿橫行王法。誅華林。桃源諸賊徒。金帛子。

女山不如汝能破之。惟汝欲犒賞有酒牛
羊豬犬者。陞官佩綬。趨蠶奴怒言萬里入
爾。爾爾生我。生屠我。屠我。毒矢莫敢何
意。氣似欲無。彭湖彭湖。翩翩飄白。翅輕舸
激水陸走車。黃雲卷地。春草死。烈火誰分
瓦與珠。寒崖日月豈。蓋照犬邦。魍魎難久
居。天下有道。四夷宗。此輩可使亦。可。虞何
况土官。妻妾俱美酒大肉。吹笙竽。楊用修云。只以

詔謔近語入詩。史而古不可及。歸結王論少陵亦云。此輩少爲貴也。

豆莖行

昨當大風吹雪過。湖船無數。打破冰。驤
蟲。崑山嶽立。行人駭觀。淚交。盜景泰年間
一丈雪。父老見之。無此禍。鄱陽十日路。斷
絕。廬山百姓啼寒。餓旌竿。凍折。擊鼓。亞。浙
軍。楚軍袖手坐。將軍部兵蔽江下。飛報沿
江催豆莖。邑官號呼手足皴。馬騾雞犬遺

眠臥前時邊達三千軍。五箇病熱死兩箇。
 寧弓值凍不敢發。昔何猛毅今何懦。李郭
 鄴城圍不下。裴度淮西手可垂。從來強弱
 不限域。任人豈論小與大。當備寡婦攜兒
 哭。秋禾枯槁春難播。縱健徵科何自出。大
 兒牽纏陸挽馱。似古語諺理質生
 硬處正不易到

明星篇

明星出地一丈高。天門沉沉魚鑰動。沙隄

露下玉珂寒。直廬雞唱金蓮重。千門萬戶
 曉鐘發。明星漸高河漸沒。燦爛疑侵翔鳳
 樓。依稀故袍飛龍闕。鳳樓龍闕帶層城。翠
 輦朱衣夜夜行。黃昏競奏催花宴。天明猶
 聽打毬聲。蘭煙桂火輝如日。明星迢迢照
 不入。百子池頭青草生。長信宮中紫苔集。
 草色苔香秋復春。此日乘槎若問津。明星
 曉落宵還見。白髮黃金愁殺人。

漢涼篇

漢京臨帝極。復道衆星羅。煙苑開甸服。錦
繡列山河。山河自古稱佳麗。城中半是王
侯第。峻閣重樓夾道懸。雲房霧殿森麤蔽。
牧豚賣珠登要津。樊侯亦是鼓刀人。時來
叱咤生風雨。奄見吹噓走鬼神。平津結兄
蓋。侯弟杯酒相看何。意氣執鞭盡是虎賁。
郎守門不數。長安尉長安烽火入邊城。挺

劍辭君萬里行。去日干官遮馬餞。歸來天
子降階迎。朱弓尚抱流沙月。寶劍常飛瀚
海星。不分燕然先勒石。直教麟閣後標名。
豈知盛滿多仇忌。可惜繁華如夢寐。地宅
田園奪與人。丹青鐵券成何事。霍氏門前
狐夜號。魏其池館長蓬蒿。三千食客今誰
在。十。二。朱樓空復高。後車不戒前車覆。又
破黃金買金谷。洛陽亭榭與山齊。北邙車

馬如雲逐陰郭豪華真可憐。雲臺將相珥
貂連當時却怪桐江叟。猶著羊裘伴帝眠。
功高自滿千古同病。漢博陸侯其炯戒也。
末以不受爵祿者點破昏庸與李頎漢朝
功臣楊德祖篇歸到
魯連蹈海同一作法

去婦詞

正德元年戶部尚書韓文暨內閣師
保等咸相繼去位。李子作此詞也。

孔雀南飛雁北翔。含顰攬涕下君堂。繡幙

空留並蒂草。羅袪尚帶雙鴛鴦。菖鴛鴦
誰不羨人生一別何由見。只解黃金頃刻
成。那知碧海須臾變。賤妾甘為覆地水。郎
君忍作離弦箭。憶昔嫁來花滿天。賤妾即
君俱少年。瑤臺築就猶嫌惡。金屋裝成不
論錢。重樓復道天中起。結綺臨春照春水。
宛轉流蘇夜月前。妾迷寶瑟煙花裏。夜月
煙花不相待。安得朱顏常不改。若使相逢

無別離。肯放馳波到東海。薄命難教娣姒
知。衰年恨少姑嫜在。長安大道接燕川。鄰
里攜壺舊路邊。妾悲妾怨憑誰省。君舞君
歌空自憐。卽君豈是會稽守。賤妾寧同會
稽婦。卽乎壺愛千金軀。但願新人故不如。
深婉可
以怨矣

朝飲馬送陳子出塞

朝飲馬。夕飲馬。水鹹草枯馬不食。行人痛

哭長城下。城中白骨借問誰。云是今年築
城者。但道辭家別六親。寧知九死無還身。
不惜身為城下士。所恨功成賞別人。去年
賊掠開城縣。黑山血迸單于箭。萬里黃塵
哭震天。城門晝閉無人戰。今年下令修築
邊。丁夫半死長城前。城南城北秋草白。愁
雲日暮鳴胡鞭。

胡馬來再贈陳子

冬十二月胡馬來白草颯颯黃雲開沿邊
 十城九城閉賀蘭之山安在哉傳聞清水
 不復守遊兵早扼黃河口即看烽火入甘
 泉已詔將軍屯細柳去年穿整長城裏萬
 人齊出千人死陸海無毛殺氣蒸五月零
 冰凍河水當時握此云胡備胡人履之猶
 坦途山道南侵更西下常州固原今有無
 德不貴儉英雄豈可輕為謨尚書

號令速雷電抱王誰敢前號呼遂今宵盱
 議西討茲答只合歸吾徒我師如貔將如
 虎九重按劍赫斯怒惜哉尚書謝歸早不
 覩將軍報乎虞軒然而來

贈何舍人齋詔南紀諸鎮

先皇乘龍去不返悲風慘澹吹宸極四海
 哭若喪慈母百官狂走天為黑憶昨臨危
 坐御床手擎神器歸今皇密語丁寧臍脯

裂三老親聞眼流血金滕立剖石室秘此
事難欲外人說吾君謙讓不可得割哀踐
阼宏祖烈日月重懸萬國朝雷雨放過群
方悅越南海北霹靂動蠻夷盡奉王正月
此時九道使臣出舍人亦輟螭頭筆白馬
朝騰薊北雲錦帆暮閃江池日江池秋交
多烈風洞庭雲夢俱眼空巴陵縣令舍人
兄接詔會弟西樓中童年題詩在高壁六

載不到紗爲籠南嶽以南爲峻山苦蒸毒
霧何盤盤天王新令雷電掣妖蛇不敢啼
林端五溪官長喘喙拜黔州父老垂淚看
却瞻蒼梧雲氣黑斑竹臨江怨幽色翠華
縹緲空冥間此時此恨誰知得君不見馬
援柱孔明碑剝落黃蒿裏千年莓苔待君
洗萬里之行自此始歸來何以獻天子

奉送大司馬劉公歸東山草堂歌

東山有草堂縹緲雲嶠孤前對祝融峰下
瞰巴陵湖明公昔時此堂居麋鹿豕當
意趨洞庭日落風浪湧倒影射堂堂欲動
慘淡誰聞紫芝曲獨善不救蒼生哭先帝
親裁五色詔老臣曾受三朝祿此時邊徼
多戰聲曳履謁帝登承明謝安笑却淮淝
敵魏相坐測單于兵九重移榻數召見夾
城日高未下殿英謀密語人不知左右微

聞至尊羨自從龍去不可攀公亦卧病思
東山湘娥含笑倚竹立山鬼窈窕堂之側
上書苦死只欲歸聖旨優容意悽惻內府
盤螭縷金織賜出傾朝皆動色白金之鉞
紅氍毹記寶鈔生硬鴉翎黑崇文城門水雲
白是日觀者塗路塞城中冠蓋盡相送塵
埃遮斷長安陌人生富貴豈有極男兒要
在能死國不爾抽身早亦得君不見漢二

疏千載想慕傳畫圖即如草堂何處無祿
食醜竊胡為乎乃知我公真丈夫嗚呼乃
知我公真丈夫從橫排它不求合法自然
注坡驀澗如履平地者也
謀密語十四字是孝宗實錄

送李帥之雲中

黃風北來雲氣惡雲洲健兒夜吹角將軍
按劍坐待曙紇千山搖月半落槽頭馬鳴
士飯飽昔無完衣今繡襖沙場緩轡行射

鵬秋草滿地單于逃

送李中丞赴鎮

黃雲橫天海氣惡前飛鶩鶴後叫鶴陰風
夜撼醫巫問曉來雪片如手落中丞按轡
東視師躬歷險隘揮熊貔已嚴號令偃鼓
角更掃日月開旌旗椎牛李牧將士躍射
虎李廣匈奴知屯田金城古不謬賈劔勅
海今其時塞門蕭蕭風馬鳴長城雪殘春

草生低飛鴻雁胡沙靜。遠道鯨鯢瀚海青。

不觀小范擒戎日。誰信胸中十萬兵。北地最工

起于蒼涼沉鬱神乎老杜

上元訪杜鍊師

宣王昔時乘八風。御龍遊戲行煙空。馬前

兩兩侍玉女。別館多在蓬萊宮。朝天宮中

舊時殿樓臺。晝鎖無人見。琉璃井塌青苔

滿。松柏森森月如練。嗚呼往事難具陳。燈

火如山又一春。北斗壇西訪隱淪。我師黃

衫白氎巾。坐我更致西樓賓。玉杯激灑赤

瑪瑙。織罽四角銀麒麟。酒肉山堆滿堂醉。

仙厨往往來八珍。孝宗之朝五真人。師也

磊落當其倫。自言召見親賜食。曾把丹書

獻紫宸。如今寂寞看春色。銀魚玉帶無消

息。豈惟魚帶無消息。欲語吞聲淚沾臆。勸

師對此莫酸辛。世間萬事如轉輪。且將芝

草供生計。即與煙霞作主人。月偏彩雲當
繡生。旋呼兩童吹玉笙。聞曲妙得逡巡。術
百壺倒盡。還須傾勺。來仙子向誰在。飲者
翻垂千載名。名垂千載亦區區。酒蘭燈昏
夜復徂。不見秦陵草。已宿春生樹。啼雙老
鳥。此時亦應群帝趨。金燈翠旗光有無。故
之思寫得
神靈恍惚

石將軍戰場歌

清風店南逢父老。告我已巳年間事。店北
猶存古戰場。遺鏃尚帶勤王字。憶昔蒙塵
實慘怛。反覆勢如風雨至。紫荆關頭書吹
角。殺氣軍聲滿幽朔。胡兒飲馬彰義門。烽
火夜照燕山雲。內有干尚書。外有石將軍。
石家官軍若雷電。天清野曠來酣戰。朝廷
既失紫荆關。吾民豈保清風店。牽翁負子
無處逃。哭聲震天風怒號。兒女牀頭伏鼓

角野人屋上看旌旗將軍此時挺戈出殺敵不異草與蒿追此歸來血洗刀白日不動蒼天高萬里煙塵一劍掃父子英雄古來少單于痛哭倒馬關羯奴羊死飛狐道處處懽聲噪鼓旗家家牛酒犒王師應追漢室嫖姚將還憶唐家郭子儀沉吟此事六十春此地經過淚滿巾黃雲落日古骨白砂礫慘澹愁行人行人來折戰場柳下

馬坐望居庸口却憶千官迎駕初千乘萬騎下皇都乾坤得見中興主殺伐重聞載造圖姓名應勒雲臺上如此戰功天下無嗚呼戰功今已無安得再生此輩西備胡追此歸來二語捫之字字俱起淫陵石亭敗色伏法臣節有虧要之戰功不可埋沒此特表其戰功也上皇返國實由尚書之守將軍之戰作者特為表出中云還憶唐家郭子儀以不失臣節愧之也此作者微意

玄明宮行

明言
今冬有人自京至向我道說玄明宮土木
侈麗誰辨此乃令遺臭京城東割奪而勢
劊巖業出入日月開併蟻矯托敢與天子
競立觀恣將雙闕同前斫石柱雙螭龍飛
梁透迤三彩虹寶構合沓毀其後儼如山
嶽翔天中金銀為堂玉布地半門萬戶森
相通光景閃輝倏忽異雲煙鬼怪荒杳濛
以東金榜祠更修樹之松檟雙梧桐溟池

烏喚鯉鯉躍孔雀翡翠兼罷熊那知勢極
有消歇前日虎豹今沙蟲窗扉自開衛不
守人來遊玩搖玲瓏陛隅龍獸折其角近
有盜掘青蠟銅青苔生泥鏡面鎖野鴿哺
子雕花櫺憶昔此閣握乾柄帝推赤心閣
罔忠威刑尉解縉紳毒自尊奴僕侯與公
變更累朝意叵測培克四海真困窮長安
奪地塞巷陌心復艷此閣何蒙構結擬絕

天下巧搜剔遂盡輸僮工。神廠擇木內苑
 竭官阮選石西山。空夷墳伐屋白日黑揮
 汗如雨斤成風轉身唾罵閣得知退朝督
 勞何匆匆。人心嗟怨入骨髓鬼也孰敢安
 高崇我碑照耀領何事。或有送男充道童
 聞言愴惻黯無答私痛聖祖開疆功渠干
 威福開者誰法典雖嚴奈怙終錦衣玉食
 已叨竊琳宮寶宇將安雄何官無碑鐫護

勅來者但看玄明宮

此為宦官劉瑾作也
 鋪陳盛衰皆託他人

之言聞言愴惻以下方入自尸議論痛惜
 祖訓垂戒後人是大章法大文字明祖
 於官門豎鐵牌使宦官不許于政後成祖
 以建文內豎輪君臣密計心甚德之遂漸
 子事權渠于威福
 開者誰蓋指此也

林良畫兩角鷹歌

百餘年來畫禽鳥。後有呂紀前邊昭。二子
 工似不工意吮筆決皆分毫毛。林良寫鳥
 祇用墨開縑半掃風雲黑水禽陸禽各臻

妙。挂出滿堂皆動色。空山古林江怒濤。雨
鷹。突出霜崖高。整骨刷羽意勢動。四壁六
月生秋飈。一鷹下視睛不轉。已知兩眼無
秋毫。一鷹掉頭復欲下。漸覺振翮風蕭蕭。
匹綃雖慘淡。殺氣不可滅。戴角森森爪拳
鐵。迴如愁胡皆欲裂。朔風吹沙秋草黃。安
得臂爾騎。駟驘草間妖鳥盡。擊死萬里晴
空灑毛血。我聞宋徽宗亦善貌。此鷹後來

失天子。餓死五國城。乃知圖畫小人藝。工
意工似皆虛名。校獵馳騁亦未事。外作禽
荒古有經。今王恭黜罷。游宴講經日。御文
華殿。南海西湖馳道荒。獵師虞長皆貧賤。
呂紀白首金爐邊。日暮還家無酒錢。從來
上智不貴物。深巧豈敢陳王前。良乎良乎
寧使爾畫不直。錢無令後世好畫兼好畋。
從畫說到獵。從獵開出議論。後畫獵雙收
何等章法筆力。亦如神龍蛻蛟。捉不住。

明詩別裁集卷四

鄭生至自泰山

昨汝登東岳。何峰是絕峰。有無丈人石。幾
許大夫松。海日低波鳥。巖雷起窟龍。誰言
天下小。化外亦王封。陳言須此
翻用法

泰山

俯首無齊魯。東瞻海似杯。斗然一峰上。不
信萬山開。日抱扶桑躍。天橫碣石來。君看
秦始後。仍有漢皇臺。四十字有包絡乾坤
之槩可以作泰山詩

矣

浮江

浮江晴放舸。挂席曉須風。日倒明波底。天
平落鏡中。開窻問赤壁。捩柁失吳宮。萬古
滔滔意。溘陽更向東。

明遠樓春望

貢院初開閣。春陰獨倚欄。柳邊千艦聚。花
裏萬家殘。風雨江聲壯。兵戈地色寒。斷腸

月詩川

十九

沙雁北群起向長安

蔣仲舒云
含愁無限

朱仙鎮廟

宋墓莽岑寂岳宮今在茲風霜留檜柏陰
雨見旌旗百戰回戈地中原左衽時土人
嚴仗臘偏護向南枝

得何子過湖南消息

及遇荆門信洞庭秋已淒湘江饒苦竹幾
聽鷓鴣啼馬援留銅柱王褒祀碧雞湖南

衝瘴癘藥物去曾攜

讀直道陳公祚遺事

上主能容直當言敢顧身累朝傳諫疏萬
死作歸人古廟穠花晚孤墳勁草春從來
淹沒土特筆在詞臣

野風

山鳴野風至漢水亦蕭蕭月暝魚龍醒雲
蒸豺虎驕有家驚節物不寐想前朝萬古

英雄跡，江城夜寂寥。

出塞

黃沙白草莽蕭蕭，青海銀州殺氣遙。
關塞豈無秦日月，將軍獨數漢嫖姚。
往來飲馬時尋窟，弓箭行人各在腰。
晨發靈州更西望，賀蘭千嶂果雲霄。

秋望

黃河水繞漢邊牆，河上秋風雁幾行。
客子

過壕追野馬，將軍突箭射天狼。
黃塵古渡迷飛輓，白月橫空冷戰場。
聞道朔方多勇略，只今誰是郭汾陽。

王元美云
雄渾流麗

潼關

咸東天險設重關，閃日旌旗虎豹閑。
隘地黃河吞渭水，炎天白雪壓秦山。
舊京想像千宮入，餘恨遙巡六國還。
滿眼非無棄繻者，寄言軍吏莫噴顏。

靈武臺

環縣城邊靈武臺。肅宗曾此辟蒿萊。二儀
高下皇輿建。三極西南玉聖來。衣白山人
經國計。朔方孤將出群才。可憐一代風雲
際。不勸君王駕鶴迴。肅宗之關王子
職也。語微而顯。

良嶽篇

宋家行殿此山頭。千載來人水一邱。到眼
黃蒿元玉砌。傷心錦纜有漁舟。金繯社稷

和戎日。花石君臣棄國秋。漫倚南雲望南
土。古今龍戰是神州。人知南渡之庸懦而
不知覆亡之禍原於
徽宗君臣之宴樂也
五六語藏得議論

臺寺夏日

古臺高並鬱岩堯。斷塔稜層鎖寂寥。積雪
洞門常慘慘。炎天松柏轉蕭蕭。雲雷畫壁
丹青壯神鬼。虛堂世代遙。惆悵宋宮偏泯
滅。二靈哀怨不堪招。

楚望望襄中形勢

楚望峰頭望楚雲。遙憐紫蓋紫陽君。廬荒
不斷盤龍氣。碑滅猶存墮淚文。地轉江淮
浮遠成水通巴峽。塹雄軍里名冠蓋。非吾
事。願訪鹿門麋鹿群。

送毛監察還朝是時皇帝狩於楊

河

楚生臨水送將歸。黎子當筵賦式微。天下

汝為真御史。百年吾是舊漁磯。沙寒白日
蓬科轉。風起黃河木葉稀。此去有書應力
上。太平天子奉垂衣。

別徐子禎卿得江字

我愛南州徐孺子。明瑤美璧世無雙。新從
北極看南極。使自吳江下楚江。日落鷓鴣
啼廟口。水清斑竹映船窗。禰衡王粲俱黃
土。千載何人復此邦。

限韻贈黃子

禁垣春日紫煙重，子昔為雲我作龍。有酒
每邀東省月，退朝曾對掖門松。十年放逐
同梁苑，中夜悲歌泣孝宗。老體幸強黃犢
健，柳吟花醉莫辭從。

秋懷

慶陽亦是先王地，城對東山不啻墳。白豹
塞頭惟皎月，野狐川北盡黃雲。天清障塞

收禾黍，日落谿山散馬群。回首可憐鼙鼓
急，幾時重起郭將軍。

苑西遼后洗妝樓，檻外芳湖靜不流。亂世
君臣那在眼，異時松柏自深愁。雕闌玉柱
留天女，錦石秋花隱御舟。萬古中華還此
地，我皇親為掃神州。

鄱陽湖十六韻

太祖平陳日，樓船下此湖。波濤留壯色，天

地見雄圖米上開黃屋雲中下赤鳥士猶
詞後載文已倒前徒力屈鯨鯢仆聲回雁
鷺呼橫江收玉筍跨海定金符文軌通
楚梯航訖至吳虎賁雖莫敵龍戰豈全辜
血染猶丹草骨沉空白蕪汀洲夜寂寂霜
月鬼嗚嗚殺氣雷鼉徙腥風島嶼孤響人
拾古鏃艇客慨秋菰偉彼高光烈還擬蕭
鄧須英謀協睿算勇奮想長驅劔瘞神仍

王舟焚勢已徂康山魏廟在忠武激頑夫

曉鶯

睨睨夢中迷流鶯碧樹西起來紅日照已
度別枝啼

塞上

天設居庸百二關祁連更隔萬重山不知
誰放呼延入昨夜楊河大戰還

夏口夜泊別友人

明詩別表身
黃鶴樓前日欲低
漢陽城樹亂烏啼
孤舟夜泊東游客
恨殺長江不向西

汴京元夕

中山孺子倚新妝
鄭女燕姬獨擅場
齊唱憲王春樂府
金梁橋外月如霜

聖節聞駕出塞

千官北首望龍旂
萬國車書集鳳闈
八駿王秋色遠
幾時親擁白狼歸

